

Nkunimdie Ewo Yesu Kristo Mu



Watson Goodman na oboaboa ano

Akyede—Wonton

Nkunimdie Ewo Yesu Kristo Mu

Satan, wa Nyankopɔn Asem mu no, “yefre no wiasɛ yi hene ba no,” yɛ Onyankopɔn tamfo kɛsɛɛ ne Onyankopɔn abɔdɛɛ mu kɛsɛɛ-Onipa. Yɛn nnipa yi wa ɔkosase so. Eko no da Kristo ne Satan ntam. Esɛ se yɛpa wɔn mmieniu yi mu baako a abɛyɛ yɛn wura daa, Kristo ɔbɔdɛɛ no-a ɔyɛ Emmanuel (Onyankopɔn ne yɛn tɛɛ)-anaa Satan, abɔdɛɛ-a ayɛ ɔhene ba wɔ wɔn a wɔate Nyankopɔn so atua. Enam ne wuo ne ne wusɔrɛɛ so, Kristo dii nkonim a ɛwie pɛyɔ maa wɔn a wɔbɛgyɛ no adi nokorɛm no.

Satan nam akwan hodoɔ so sɛ ɔbɛdaadaa nkurɔfoɔ na wayɛra wɔn. ɔsom ne adɛɛ a chia. Kristo, yɛn Bɔdɛɛ fata ɔsom nyinaa. Dɛɛ yɛsom no na yɛde yɛn ho bɔ no. Satan mmɔden a ɔrebɔ sɛ ɔbɛnya nnipa a wɔwɔ wiasɛ nyinaa gyina (1) sɛ yɛbɛtwe yɛn ho afiri Onyankopɔn nkyɛn (2) sɛ yɛbɛtie hohommɔne (3) se yɛbɛsom onipa bɔnɛfoɔ (4) se yɛbɛsom ne honi ne (5) honam mu nsohyɛdɛɛ a chia sɛ yɛde tɔ anaa yɛde tɔn adɛɛ. Hwɛ yeinom nyinaa yie! —Watson Goodman (1920-2002)

Onyankopon bɔɔ Lusifa maa no
diberɛ kɛsɛɛ wɔ Osoro

Se Awurade Nyankopon sɛɛ nie:
Wo deɛ, wone abodeɛ afɛfɛ mu deɛ
ɔyɛ, nyansa ahyɛ wo ma, w'ahoɔfɛ
di mu. yankopon turo Eden mu na
woteɛ, aboɔden aboɔ nyinaa yɛ wo
nkataho: bogyanamboɔ, akara-
teboɔ ne bɔwerɛboɔ, sikabereɛboɔ,
apopobibireboɔ ne ahwehweboɔ,
hoaboɔ, nsrammaboɔ ne ahaham-
monoboɔ ne sika; wo mpintin ne
bɔmmaa som w'anim, ɛda a wɔbɔɔ
woɔ no na wɔsiesieɛɛ.

Na ɔben Nyankopon Ahennwa
Woyɛ kerub a wɔasra no a ɔkata

soɔ, na mede wo mesii ho, Nya-
nkopon beɔɔ kronkron so na wo-
wɔ, ogya aboɔ ntam na na wo-
nenam.

Wɔbɔɔ no pɛyɛ mu

Wodii mu w'akwan mu, firi da a
wɔbɔɔ woɔ ara de kɔsii da a
wɔhunuu wo mu abusudeɛ no.

Onyankopon tu bɔne gu

W'adwadie dodoɔ nti na wɔde
amimdie hyɛɛ wo mu ma, na
woyɛɛ bɔne, na meguu wo ho fi firi
Nyankopon beɔɔ no so, na mesɛɛ
wo, kerub a wokata soɔ, firi ogya
aboɔ no ntam. —Hesekiel 28:12b-16

2 DEEN NA EPIAA LUSIFA BONE NO?

Mmebusen 16:18

Ahantan di ɔsɛɛ anim, na dwɛɛ honhom di asehwɛ kan.

Hesekiel 28:17-19

W'ahoɔfɛ nti w'akoma ahuhuru, woasɛ wo nyansa ne wo hyeren, mato wo atwene fam, mede wo ato ahemfo anim sɛ w'ɔnhwɛ wo.

Otuatɛfoɔ No Nkrabea

W'amumuyɔ dodoɔ so, w'adwadie abusudeɛ mu woagu w'akronkronnɛ ho fi, enti mama ogya afiri wo mu, na ahye wo, na madane

wo nso, asase so, wɔn a wɔhwɛ woɔ nyinaa anim. Wɔn a wɔni woɔ, aman mu nyinaa, wo ho beye wɔn ahodwiri; woapatu asɛɛ, na wonni ho bio de kɔsi daa.

Esɛ sɛ Abɔdeɛ biara brɛ ne ho ase ma Ɔbɔadeɛ

Nnwom 100:2, 3

Momfa anigyɛɛ nsom Awurade, na momfa ahurisie dwom mmra n'anim. Monhunu sɛ Awurade ne Onyankopɔn, ɔno na ɔyɔɔ yen, na ɔno na yewɔ no, yeyɛ ne man ne n'adidibea nnwan.

N'apɛdeɛ Tia Onyankopɔn**Apɛdeɛ****Yesaia 14:12-19a**

Ɛyɛɛ den na wofiri ɔsoro ahwe aseɛ, nsoromma hyɛrɛnfɔɔ, adekyeɛ ba, wɔatwa wo ahwe fam, wo a wobɔrɛ amanaman aseɛ no. Na wo deɛ, wokaa no w'akomam sɛ: Ɔsoro na mɛforo makorɔ, Nyankopɔn nsoromma no atifi na mɛma m'ahennwa so asie, na maatena ahyiaɛɛ bepɔ no so, atifi fam asasetifi ano nohoa tɔnn; mɛforo akɔ amununkum sorɔnsorɔmbea, mɛyɛ me ho sɛ ɔsorosoroni no.

Ɛdi Bɔne Asase So

Mmom asamando na woɛsiane

akɔ akɔduru amena no ase tɔnn. Wɔn a wɔhu wɔɔ no hwe wo dinn de wɔn ani kari wo komm ka sɛ: Obarima a ɔmaa asase wosoeɛ na ɔmaa ahennie hinhimiie no nie? Deɛ ɔmaa wiase danee sere sɔɔ, na ɔburiburii emu nkuro, na wannya emu nneduafoɔ kwan ankɔ fie no nie?

Ɛyɛ Abusudeɛ ma Nyankopɔn

Amanaman ahemfo nyinaa, wɔn nyinaa deda ho animuonyam mu, obiara da ne damena mu; na wo deɛ, wɔato wo afiri wo damena mu atwene sɛ duban a wɔapɔɔ; sɛ atɔfoɔ a afena ahwire wɔn mu na wɔasiane kɔ abɔɔ amena mu no aduradeɛ.

4 EYE OWUO MA YEN SE YEBETWE YEN HO
AFIRI ONYANKOPON ASE

Wɔ Lusifa mu kane

(Hwe nneema num a Lusifa kaa se obeye wɔ Yesaia 14:13 wɔ kra-taafa 3.)

Luka 10:18

Na ɔsee wɔn se: Mehunuu Satan se ɔfiri soro hwee ase se anyinam.

Wɔ Abɔfoɔ a wɔdi Satan akyi mu

2 Petro 2:4

... Onyankopon ankora abɔfoɔ a wɔye bɔne no, na mmom ɔde esum kabii ahoma kyeree wɔn guu asamando amanehunu bunu mu, se wɔmfa wɔn nsie atemmuo a.

Wɔ Nnipa a Satan tumi Daadaa

Wɔn mu

1 Timoteo 3:6

Onye abeefo, na wanhoran anhwe ɔbonsam atemmuo mu.

Satan Nya Tumi Onipa So

2 Petro 2:19b

... efiri se dee adi obi so nkonim no, eno na eye no akoo.

Ese se ɔsoyo nya ɔpe fua pe—

Onyankopon pe a edi mu

Romafoɔ 12:2

Na monnye mo ho se wiase yi, na mmom momfa adwenem foforɔye nsakyera mo ho, na moaso dee Onyankopon pe a eye, na eso ani, na eye pe no ahwe.

Asaman benya pe ɔpepem a ebetan wɔn ho wɔn ho daa

Deuteronomium 5:6, 7

Mene Awurade wo Nyankopon a meyii wo firii Misraim asase so, nkoafie mu no. Nnya anyame afoforo nka me ho.

1 Beresosem 16:29

Momfa Awurade din no animuonyam mma no, monsoa ayeyede mmra n'anim. Monsore Awurade ahokeka kronkron mu.

Adiyisem 19:10a

Na mehwee ne nan ase mekotoo no. Na oka kyeree me se: Hwe, nyo sa, meye w'awurakwaa ne wo nuanom a wokura Yesu adanse no mu bi. Koto Onyankopon!

Mateo 4:10

Enna Yesu see no se: Firi ho, Satan! na wotwere se: Koto sore Awurade, wo Nyankopon, na ono nko ara na som no.

Nnwom 95:6

Mommra mma yemmutu nkoto nsore Awurade, yen yefo anim. (Hwe Gen. 1:27.)

Dee wodaadaa no som
otuatefo no

Adiyisem 13:3b, 4a

... na aboa no ho yee wiasefo nyinaa nwanwa maa wodii n'akyi. Na wokotoo otwease no se ode ahoden ama aboa no.

Satan Ne HonhommoneHwehwe se wosore won

Mateo 4:8, 9

Na obonsam faa no bio koo bepoteententeen bi so, na okyerɛɛ no wiase ahennie nyinaa ne emu animuonyam, na osee no se: Se wobekoto asore me a, anka mede yeinom nyinaa bema wo.

Adiyisem 9:20

Na nnipa a aka a wɔanku won ohaw hodoɔ yi mu no ansakyera won adwene amfiri won nsa ano nnwuma ho, se wɔrensore ahonhommone ne sika—ne dwete—ne yaawa—ne aboo—ne dua—honi a

enhunu adeɛ na ente asem nanso entumi nnantɛɛ.

Onyankopon See Asomfo awote sɛɛ

Adiyisem 16:2b ne 20:13b, 14

Na nkudaa bone a etutuo baa nnipa a wɔwo aboa no agyiraeɛ ne won a wɔkotoo ne honi no so. . . . na wobuu won mu biara aten sɛdeɛ won nnwuma tee. Na wotoo owuo ne asamando twenee ogya tadeɛ no mu. Yei ne owuprenu no.

Yesaia 42:8

Mene Awurade, me din ne no, na meremfa m'animuonyam mma obi, na m'ayeyie nso, meremfa mma ahoni.

Awurude Abɔfoɔ ho ye den Sen
Satan Abɔfoɔ a Wɔahwe ase

Nnwom 103:20

Awurade abɔfoɔ, monhyira no, mo ahɔden mu akatakyie a mɔdi n'asem soɔ na motie ne kasa no.

Adiyisem 12:7, 8a

Na ɔko baa ɔsoro. Mikael ne n'abɔfoɔ tuu ɔtweaseɛ no so sa ne no koe. Na ɔtweaseɛ no ne n'abɔfoɔ koe. Na wɔantumi wɔn.

Onyankopɔn Abɔfo Kronkron
som na wɔbɔ Awurade Nnipa
ho ban

Wɔn nyinaa nye ahonhom asomfoɔ a wɔn a wɔbeyɛ nkwa-gyee no adedifoɔ no nti wɔsoma wɔn sɛ wɔnkɔsom?—Hebrifoɔ 1:14

Na wahye n'abɔfoɔ ama wo, sɛ wɔnhwe wo so, wɔ akwan nyinaa mu. —Nnwom 91:11

Abɔfoɔ a wɔahwe aseɛ (honhom-
mɔne, abonsam) asi wɔn bo sɛ

Wɔde onipa beko Asaman

Luka 11:26

Afei ɔko kɔfa ahonhom foforo nson a wɔye bɔne sene ɔno ara ka ne ho, na wɔbehylene mu a, wɔtena ho; na onipa no akyire asetena ye bɔne sene kane deɛ no.

1 Timoteo 4:1

Na honhom no ka no pefee sɛ akyire nna bi mu ebinom befam nnaadaa ahonhom ne ahonhom-mɔne nkyerekyerɛ ho atwe wɔn ho afiri gyidie no ho.

HWAN NE DEEN NA SATAN KYIRI NO KOKOKOKO

Wɔabɔ nipa Onyankopɔn sɛso

Luka 9:42

Na ɔreba no, honhommɔne no
him no hwee fam, na ɛsensenee no.
Na Yesu teateaa honhom fi no, na
ɔsaa abɔfra no yadeɛ, na ɔde no
maa n'agya.

Mmusua—Onyankopɔn Nhyira

Genesis 12:3

Na mɛhyira wɔn a wɔhyira wɔɔ,
na wɔn a wɔdome wɔɔ no, mɛdome
wɔn; na wo mu na wɔbɛhyira
asase so mmusua nyinaa.

Kristo (Onyankopɔn wɔ honam
mu) Ne nipadua ne ne Nyame
Mogya mu na nkwagyee wɔ

Mateo 2:16

Na Herode . . . ne bo fuu pii; na
ɔsoma maa wɔkɔkunkum mmɔfra
a ɛwɔ Betlehem . . . sɛdeɛ bere no a
ɔbisabisaa anyansafoɔ no kyere.

Onyankopɔn Asem—Satan
toatoa no

Genesis 3:1b, 4

Ampa ara Onyankopɔn aka sɛ:
. . . Na ɔwɔ no ka kyereɛ ɔbaa no
sɛ: Ɛnye wuo na mɔbɛwuo.

Agyidifoɔ a Wɔawo Wɔn

Honhom mu

1 Petro 5:8

. . . ɛfiri sɛ mo tamfo bonsam no
nam sɛ gyata a ɔbobom hwehwe
deɛ ɔbenya no amene.

Suasua ɔde n'adee nsohyedee**Adiyisem 22:3, 4**

Na mmusuo biara nni ho bio; na Onyankopɔn ne adwammaa no ahennwa no na ebesi mu, na ne nkoa besom no, na wobehunu n'anim, na ne din wɔ wɔn moma so.

(Hwe Satan suasua Krataafa 35.)

Fa Nkontompo kyea Asempa no**Galatifoɔ 1:6, 7**

Eye me nwanwa se moatwe mo ho ntem see afiri dee wafre mo Kristo adom mu no ho ko asempa foforo mu a nso enye asempa foforo biara; na mmom nnipa bi wo ho a woha mo na wope se wosesa Kristo asempa no.

Suasua Onyankopɔn Asɔfoɔ**2 Korintifoɔ 11:13, 14**

Na saa nnipa yi ye asomafoɔ atorofɔɔ, adwumayɔfoɔ nnaadafoɔ a wɔdane wɔn ho ye se Kristo asomafoɔ. Na enye nwanwa; efiri se Satan no ara mpo dane ne ho se hann bofoɔ.

Onyankopɔn Anwanwade ne**Atoro Nwanwa****2 Te. 2:9; Adi. 13:13, 14; 19:20**

Se obi som Kristo a, ɔdi ne so no, saa ara nso na se obi som Satan a, ɔdi ne so

Awurade, yen Nyankopɔn, awuranom a enye woɔ abedi yen so —Yesaia 26:13a

1 Yohane 5:21

Mma nkumaa, monwen nyi mo ho mfiri abosom ho.

Nnyā anyame foforo nka me ho. Nyo ohoni biara anaa adee a ewo wiem wo soro anaa dee ewo asase so wo fam anaa dee ewo nsuo mu wo asase ase nseso biara mfa; nkoto won, na nsom won. Na me, Awurade wo Nyankopon, meye Onyankopon ninkufo a metua agyanom amumuyo so ka mefa mma so kosi awo ntoatoaso mmiensa ne nnan a wotane me so.

—Exodus 20:3-5a

Anyame Foforo Ye Akyiwadee

Ma Onyankopon. Wobara se
wode nipa bebɔ afodee

Sɛɛ na monsee osombea a amanaman a morekɔtu won no som won anyame, mmepɔ atentene so ne nkokoɔ so ne dua mono biara ase no nyinaa; . . . hwe wo ho yie na sɛɛ a wɔasɛɛ won afiri w'anim no akyiri no won akyiridie anye wo fidie, . . . Nye Awurade wo Nyankopon sa, na Awurade akyiwadee a otane nyinaa na wɔayo amɔ won anyame, na won mmabarima ne won mma mmaa mpo na wode ogya hye won ma won anyame.

—Deut. 12:2 ne 30a, 31

Mika 6:7b

Me mmarato nti memfa m'abakan memma . . . me kra bone nti?

Kristo Mogya Hohoro Bone

Ahoni Söre Ye Nkwaseasem**Romafoɔ 1:25**

Ɛfiri se wɔsesaa Nyankopɔn nokore no gyee atorɔ, na wɔferree na wɔsom abɔdeɛ sene Obɔadeɛ a wɔhyira no daa no. Amen.

Nnwom 115:3-8

Na yen Nyankopɔn wɔ ɔsoro, deɛ ɔpe nyinaa na ɔyɔ. Wɔn ahoni ye dwete ne sika, nnipa nsa ano adwuma. Wɔwɔ ano, na wɔnkasa, wɔwɔ ani, na wɔnhunu adeɛ, wɔwɔ aso, na wɔnte asem, wɔwɔ hwene, na wɔnte hwa. Wɔn nsa, wɔmfa nka adeɛ, wɔn nan, wɔmfa nnante, na wɔmfa wɔn menewa nkasa.

Wɔn a wɔye wɔn te se wɔn ara, obiara a ɔde ne ho to wɔn soɔ no.

Ahoni Söre Ye Obonsam Söre**1 Korintofoɔ 10:14b ne 20**

... monnwane abosonsom ... Dabi, na mmom mese, afɔdeɛ a wɔbɔ no, wɔbɔ ma ahonhommɔne, na enye Onyankopɔn, na mempe se mo ne ahonhommɔne nya ayɔnkoye.

Asotwe Wɔ Hɔ Ma Ahoni Söre**Adiyisem 21:8b**

... adutufɔɔ ... nyinaa benya wɔn kyefa wɔ ɔtadeɛ a egya ne sɔfe dere mu no mu, ene owuprenu no.

12 ONYANKOPON KYIRI AHONI (OBONSAM) SORE

Onyankopon Sɛɛ Aman Enam

Wɔn Ahoni Nti—Ense sɛ

Wonya Ahoni Wo Fie!

Deuteronomium 7:24-26a

Na ɔde wɔn ahemfo behyɛ wo nsa, na woasɛ wɔn din afiri soro ase; obiara rentumi nnyina w'anɛm de beko akɔsi sɛ wobesɛ wɔn. Wɔn anyame ahoni no, momfa ogya nhyɛ; ... efiri sɛ eyɛ Awurade wo Nyankopon akyiwadɛɛ. Na mfa akyiwadɛɛ nko wo fie, na woanyɛ abusudɛɛ sɛ eno . . .

Adɛn na Obonsam hyɛn nnipa

bebreɛ mu wɔ Nyankopon man

a ɔyiɛ mu Kristo dwumadie

berɛ So? Wɔn agyanom sɔrɛɛ

Abonsam!

Nnwom 106:36, 37 ne 40

Na wɔsom wɔn ahoni, na ɛdanɛɛ wɔn fidie. Na wɔde wɔn mmabaniɛn ne wɔn mma mmaa bobɔɔ afɔdɛɛ maa abosom, ... Enna Awurade abufuo dɛrɛ tiaa ne man, na ɔkyirii n'agyapadɛɛ.

Exodus 20:5

Na me, Awurade wo Nyankopon, meɛ Onyankopon ninkufɔɔ a metua agyanom amumuyɔ so ka mefa mma so kɔsi awoɔ ntoatoasoɔ mmiensa ne nnan a wɔtane me soɔ.

Exodus 22:18**Mma obaa-ayen nntena ase.****Mika 5:12****Na metwitwa wo ntafowayie afiri wo nsam, na woannya akomfoɔ bio.****1 Samuel 15:23****Na atuateɛ te sɛ atorɔ nkɔmhyɛ, na asoɔden te sɛ amumuyɔ ne ahonisom. Esiane sɛ woapo Awurade asem nti, ɔno nso apo wo afiri ahennie no so.****Deuteronomium 18:9-12****Sɛ wonya duru asase a Awurade wo Nyankopɔn de rema woɔ no so****a, nsua amanaman no akyiwadeɛ no yɔ. Mma wɔnnhunu wo mu obi a ɔma ne babarima anaa ne babaa fa ogya mu, ɔkɔmfoɔ a ɔhyɛ abo-sonkɔm, ɔbayifoɔ ne ɔdebisafɔɔ ne ntafoayifoɔ, ne nkaberekye-refɔɔ ne samanfrefoɔ ne dunsini ne deɛ obisa afunu, efiri sɛ Awurade akyiwadeɛ ne wɔn a wɔyɛ yei-nom nyinaa, na akyiwadeɛ yi nti na Awurade wo Nyankopɔn retu wɔn afiri w'anin yi.****Nsamanfre: Worefre owufɔɔ bi saman de ahwehwe deɛ ebɛsi daa-kye; Obonsam tumi so nkonyaa.**

14 WONAM ABONSAM MMOA SO REHYE NKOM

Onyankopɔn Bara Nsoromma Mu Hwe Abayigorɔ Ne Honam mu nteteɛ

Leviticus 19:26 ne 28

Mommfa mogya nnka biribi ho nni. Monni adebisasem na mongoro abayigorɔ. . . Mommotabota mo ho mma awufo, na monkurukyire mo ho atwere biara: Mene Awurade.

Yeremia 27:9a

Enti monntie mo adiyifoɔ ne mo nkɔmhyefoɔ ne mo daeɛ ne mo akɔmfɔɔ ne mo ntafowayifoɔ.

. . . na meye ɔdanseni a ne ho ye here matia ntafowayifoɔ ne awaresɛfoɔ ne wɔn a wɔkeka nta-nhunu . . . —Malaki 3:5b

Na abusua honi no kaa ahuhusem, na nkɔmhyefoɔ no hunuu atorsem na woyii daeɛ hunu, wɔde ade huhuo kyekyeree onipa were. Eno nti wɔtu kɔɔ se nnwan, wɔrebɛ, efiri se ɔhwefoɔ biara nni ho. —Sakaria 10:2

Gye Odwanhwefoɔ Nokwafɔɔ no di

Yesu kaa se; “Mommma mo akoma nntutu! Monnye Onyankopɔn nni, na me nso, monnye me nni.” —Yohane 14:1

Nkɔm: Wonan Atorɔ so rehye
Nkɔm.

Abayigorɔ: Wonam honhom-
mone so reyi nkonyaa.

Wonam Honhom Amannifoɔ so
rehye nkɔm

Yesaia 8:19a

Na se wɔka kyere mo se: Mɔm-misa asamanfrefoɔ ne adunsiafoɔ a wode nnomaa sũ ne asutuo kasa no a,—enye ɔman no Nyankopɔn na ese se wɔbisa ne ho adee?

Wode Honam Akwaa, Ahoni

Na Babel hene gyina tempɔn nkwanta so, akwan mmieniu no ti, se wɔnhye nkɔm mma no, ɔwoso agyan bisa abusua honi adee hwe mmerɛboɔ mu. —Hesekiel 21:21

Wode Abaa Rehye Nkɔm

Hosea 4:12

Me man bisa wɔn dua ho adee,

na wɔn poma ka asem kyere wɔn efiri se adwamammɔ honhon adaadaa wɔn, na wɔafiri wɔn Nyankopɔn ase akɔbo adwaman.

Nkɔm Ho Asotwe

1 Beresosem 10:13, 14a

Na Saul wui ne fom a ɔfom Awurade no ne Awurade asem a wanni soɔ no ne se nso ɔkɔbisaa samanfreni ho adee hwehwee n'akyiri kwan, na wanhwehwe Awurade akyiri kwan, nti.

Mika 3:7

Na adehunufoɔ no ani bewuwu, na nkɔmhyefoɔ no anim asinsiam, ... efiri se Nyankopɔn mmuaee biara nni ho.

AKWAN A WIASE YI HENE BA NAM SO YE ADWUMA

Wiaseni Di Nsoromma Mu

Hwe Akyi

Yeremia 10:2

Se Awurade see nie: Monnsua amanaman kwan, na monnsuro osoro nsenkyerenee, na amanaman na esuro ononom.

Mfa wo ho nto "tirinkwa" nneema so anaa nnyae wo ho mma Abonsam nnwom anaa mfonini. "Meremma ahuhusem biara nsi m'ani so," —Nnwom 101:3a. Gyae ahantan, nyaatwom ne Anyamesem a awuo.

Monnue . . . nyaatwomfoo! . . . na emu dee efunu nnompe ne efi nyinaa aye ma. Saa ara nso na

mote se nnipa tenenee wo nnipa anim, na mo mu dee, nyaatwom ne amumuyo aye ma. —Mat. 23:27, 28

Akamfo firi Obonsam nkyen

Nnye Satan anaa obonsam nkyen atorɔ nni se wokum wo ho a, ede ahoto firi ahokyerɛ ne afobuo mu ba. "Nni awu." —Exodus 20:13.

Kristo nko ara na ogye yen firi afobuo mu

(Hwe krataafa 48 ne 49.)

M'ahoden ne me dwontoɔ ne Yah, na waye me nkwagyee. Ono ne me Nyankopɔn, na mekamfo no. Oye m'agya Nyankopɔn, na mema no so. —Exodus 15:2

Enam Adiyifoɔ Atorofɔ so

Na Awurade ka kyereɛ me sɛ: Atoro na adiyifoɔ no de hye me din mu nkɔm; mensomaa wɔn, na menhyee wɔn na menkasa menkyereɛ wɔn; atoro anisoadehunu ne nkɔmhye ne asenhunu ne wɔn akoma mu nnaadaa na wɔka kyere mo yi. —Yeremia 14:14

Marko 13:22

Na kristo atorofɔɔ ne adiyifoɔ atorofɔɔ besɔre, na wɔabeye nsenkyerennee ne anwanwadeɛ, na sɛ ebetumi a, wɔbedadaa wɔn a wɔayi wɔn no mpo.

Enam wo ne Awufɔɔ kasa so

Ohene Dawid nam Nyankopɔn so kaa wɔ ne ba ho sɛ, “Na afei

wanya awu; . . . ɔrensane mma me nkyen.” —2 Samuel 12:23

Ene honhommone nkasa, gye sɛ wonam Kristo din mu repam wɔn. Nnye nsam akenkan, nkabere ne nsebe nni. “. . . na nkonimdie wɔ Awurade nsam.” —Mmebusem 21:31b.

See Ahoni, See Satan Nwoma

Asomafoɔ 19:19, 20

Na wɔn a na wɔye asumannee no mu bebree de wɔn nwoma ba behyee no wɔ nnipa nyinaa anim; na wɔbuu ne boɔ ano hunuu sɛ esi nnwetebena ɔpeduonum. Sɛdeɛ Awurade asem nam ahɔden so nyiniie na eyee den ne no.

(Kenkan Genesis 35:2-5.)

18 KRISTO BOO OBAA MAA OBARIMA — SATAN DANE NO ADWEMMONE

Awaree nti na woboo obaa ne barima

Na Awurade Nyankopon de mpadee a oyi firii onipa no mu no yoo obaa, na ode no bree onipa no. . . . Saa nti na obarima begya n'agya ne ne na ho, na ode ne ho akobata ne yere ho, na woye honam koroo. —Genesis 2:22 ne 24

Wanni awadee ni, ade nyinaa mu, na wonngu awadee mpa ho fi; efiri se nnwamamfoo ne awareseefoo dee, Onyankopon bebu won aten. —Hebrifoo 13:4

Efiri se monim dada se odwamamfoo biara anaa afideeyoni

anaa oniberefoo a oye obosonsonni nni apegadee Kristo ne Nyankopon ahennie mu. —Efesofoo 5:5

1 Korintofoo 7:10, 11

Na won a wawaree no dee, mehye won, enye me, na mmom eye Awurade, se obaa nnyaa ne kunu, na se ogyaa no a, onnware bio; anye saa a, onsane ne ne kunu nkobom; na okunu nso nnyaa ne yere. (Hwe Romafoo 7:2, Marko 10:9.)

Satan Boa Asoden

Dee oye bone no firi obonsam, efiri se obonsam na ofiri mfitiasee yee bone. —1 Yohane 3:8a

ADWAMAMMŌ NE ATUATEƐ TIA NYANKOPŌN 19

Exodus 20:14

Nsɛe awadeɛ.

1 Tesalonikafoɔ 4:3

Na yei ne deɛ Onyankopŋn pɛ,
mo ahotɛɛ, sɛ monyi mo ho mfiri
adwamammŋ mu.

Leviticus 20:10

Obarima a ɔfa ɔbarima bi yere
na ɔne ne yɔnko yere sɛe awadeɛ
no, kum na wɔnkum ɔbarima ne
ɔbaa awaresefoɔ no.

Bɔne A Etia Wo Honam

1 Korintofoɔ 6:13b, 15a ne 18

Na nipadua nye adwamammŋ
dea, na ɛye Awurade dea, na
Awurade ye nipadua dea...
Monnim sɛ mo nipadua ye Kristo

akwaa bi? ... Monnwane adwa-
mammŋ! Bɔne biara a onipa ye nni
nipadua mu, na deɛ ɔbɔ adwaman
no deɛ, ɔye ɔno ara ne nipadua
bɔne.

Ɛsɛ sɛ awofoɔ twe wɔn ho firi
honam akɔnnɔ bɔne mu

Leviticus 19:29

Nhura wo babaa ho mma no
mmmŋ adwaman, na asase no
ammŋ adwaman, na mmusuo anyɛ
asase no so ma.

Adwamammŋ: Nkurɔfoɔ a wɔn-
wareɛɛ bepe wɔn ho. Awareseɛɛ:
Owarefoɔ befa obi a ɔnye ne yere
anaa ɔbɛma obi a ɔnye ne kunu afa
no.

1 Korintofoɔ 15:22

Na sɛdɛɛ wɔn nyinaa wu Adam mu no, sɛ nso wɔn nyinaa benya nkwa Kristo mu ne no.

Hebrifoɔ 2:14, 15

Enti sɛ mma no anya honam ne mogya korɔ no bie no, saa ara na ɔno nso faa mu bi, sɛ ɔnam owuo so betu dɛɛ ɔwɔ owuo tumi a ɔne ɔbonsam no, na wagye wɔn a anka owuo ho hu nti wɔayɛ nkoa, nna a wɔde te aseɛ nyinaa.

1 Yohane 3:8b

Yei nti na Nyankopɔn ba no beyii ne ho adi sɛ ɔbɛsɛɛ ɔbonsam nnwuma.

Kolosefoɔ 2:15

Na ɔworɔɔ mpaninnie ne tumidie yii wɔn kyereɛ pefee dii wɔn so nim wɔ mu.

Owuo nni yen so tumi Kristo mu

2 Timoteo 1: 9, 10

Ɔno na wagye yen, na ɔde ɔfrɛ kronkron afre yen, enye yen nnwuma ho, na mmom ne tirim agyina ne adom a wɔde adom yen Kristo Yesu mu firi teteete na afei wɔnam yen agyenkwa Kristo Yesu ahoyie so ayi no adie no ho. Ɔno na wayi owuo ho, na ɔnam asempa no so ayi nkwa ne adeɛ a emporɔ adi hann.

1 Petro 5:8b, 9a

Ɛfiri sɛ mo tamfo bonsam no nam sɛ gyata a ɔbobom hwehwe deɛ ɔbenya no amene. Ono na momfa gyidie nnyina ho pintinn nsi no kwan.

Efesofɔ 6:11-18a

Monhyɛ Nyankopɔn akodeɛ nyinaa, na moatumi agyina ne ɔbonsam nneɛdeɛ adi asie, ɛfiri sɛ enyɛ yene mogya ne honam na anya, na mmom yene mpaninnie ne tumidie ne wiase yi sum mu atumfoɔ ne ahonhommɔne a ɛwɔ soro honom... na moatumi agyina ɛda bɔne no mu, ... momfa nokore mmo mo asene, na monhyɛ

tenenee nkataboɔ, na momfa asomdwoeɛ asempa no ho ahodasoɔ nhyehyɛ mo nan, ne nyinaa akyiri no, monkura gyidie kyem a mode betumi adum ɔbɔne no bemma a ɛredere no nyinaa, na momfa nkwagyee dadeɛ kye ne honhom nkrante a ene Nyankopɔn asem, na momfa mpaebɔ ne sre nyinaa mmo mpaee daa honhom mu, na eno ara nti monwen

Yakobo 4:7

Enti momfa mo ho nhyɛ Nyankopɔn ase. Monsi ɔbonsam kwan, na ɔbedwane afiri mo nkyen.

Deɛ nti a Satan dwane; Kristo
wɔ wo mu

One Onyankopon nne

Hebrifoɔ 1:1a, 2

Onyankopon . . . nna a edi akyire yi mu akasa kyeree yen, oba a waye no ade nyinaa dedifoɔ a onam ne so nso yee mmeresanten no mu.

Marko 1:22

Na ne nkyerekyerɛ no yee won ahodwiri, efiri se okyerekerɛ won se dee owo tumi, na enye se atwerɛfoɔ no!

1 Korintofoɔ 8:6

Yen dee, Onyankopon baako pe na yewo, agya no a nnoɔma nyinaa firi ne mu, na yen nso yewo ho ma no, ne Awurade baako, Yesu Kristo a wonam ne so yo

nnoɔma nyinaa, na yen nso yenam ne so wo ho no.

Yohane 5:27

Na wama no tumi se ommu aten nso, efiri se oye onipa ba.

1 Petro 3:22

Ono na, okoo osoro no, ote Nyankopon nifa, na abofoɔ ne won a wowo ahoden ne tumi mu no abre won ho ase ama no.

Romafoɔ 14:9

Na yei nti na Kristo wuie na osoree na onyaa nkwa, se obeye awufoɔ ne atasefoɔ wura.

Mateo 28:18

Na Yesu ba bekasa kyeree won se: Wode osoro ne asase so tumi nyinaa ama me.

Marko 4:39

Na osore teatea mframa no, na osee epo no se: Mua w'ano; ye komm! Na mframa no gyaee, na eyee dinn.

Ode Tumi Sa Yaree

Marko 2:10-12a

Na sedee ebeyo na mobe hunu se onipa ba no wo tumi asase so se ode bone firie nti,—osee obubuani no se: Mese wo se: Sore, fa wo kete na ko wo fie! Na osoree, na ntem ara ofaa ne kete firii won nyinaa anim koe; na emaa won nyinaa ho dwirri won, na whyee Onyankopon.

Kristo tu Obonsam gu

Marko 1:26, 27

Na honhom fi no maa no sensenee, na ode nne kesee teeam, na ofirii ne mu koe. Na eyee won nyinaa ahodwiri maa wobisabisaa won ho se: Edeen ni? Nkyerakyere foforo! Ode tumi hye ahonhom fi mpo na wotie no.

Ode Tumi Nyanee Awufo

Luka 7:14b, 15

Na okaa se: Aberantee, mese wo se: Sore! Na owufo no sore tenaa ase, na ofirii ase kasae, na ode no maa ne na.

24 KRISTO MA N'AKYIDIFOO TUMI NA OMA WON TUMI WO OTAMFOO NO TUMI NYINAA SO

Luka 10:19

Hwe, mema mo ho kwan se montiatia awo ne anyanyankyerɛ ne otamfoɔ no ahooɔden nyinaa so; na biribiara rentumi nye mo hwee.

Luka 9:1

Na ofrɛɛ dumieniu no hyiae maa won ahonhommone nyinaa ne ayaresa so tumi ne ahooɔden.

Marko 11:23

Na nokore mese mo se obiara a obese bepɔ yi se: Ma wo ho so kohwe epo mu na onnye akyinnye n'akoma mu, na obegye adi se dee

oreka no beba mu no, ebeye ho ama no.

Yohane 14:12a

Nokore, nokore mese mo se: Dee ogye me die no, nnwuma a meyo no ono nso beyo.

Marko 9:23

Na Yesu see no se: Wose: Se wobetumi a! Nnooma nyinaa betumi aye ho ama dee ogye die.

Efesofoo 1:19

Ne ne tumi keseɛ a eboro so ma yen a yegye die, sedee n'ahooɔden tumi adeyo.

Ka Wɔn Anim Pam wɔn Yesu
Din mu

Marko 5:8, 9 ne 13b

Ɛfiri se wase no se: Wo honhom fi, firi onipa no mu. Na obisaa no se: Wo din de sen? Na obuaa se: Me din de edom, efiri se, yeye bebre. . . . Na ahonhom fi no firi adi kɔhyenee mprako no mu, na ekuo no nyinaa bɔɔ kirididi sianee obotan kuronn no kɔguu epo no mu

Marko 9:25b-27 ne 29b

Yesu . . . teateaa honhom fi no se: Wo honhom mum ne sotifoɔ, mehye wo se, firi ne mu, na nsane nkɔ ne mu bio. Na steaam, na

etwetwee no pii no, efirii ne mu. Na ɔyee se owufoɔ ma nnipa pii kaa se: Wawu. Na Yesu sɔɔ ne nsa maa no so, na ɔsɔree. . . . Saa adee yi dee, . . . wɔntumi mfa biribiara ntu no gye mpaebɔ ne abuada.

Asomafoɔ 16:18b

Paulo . . . Mehye wo Yesu Kristo din mu se: Firi adi firi ne mu! Na don no ara mu ofirii adi.

Luka 4:35

Na Yesu teateaa no se: Mua w'ano, na firi ne mu kɔ! Na honhommone no bɔɔ no hwee mfimfini hɔ firii ne mu kɔe, na wanye no hwee.

Filipifoɔ 2:9, 10a

Eno nti na Onyankopɔn nso ama no so kese, na wadom no din a eboro din nyinaa soɔ, se Yesu din mu na ɔsorofɔ

Yohane 14:13

Na biribiara a mobesre no me din mu no, eno na meɔɔ, na agya no anya animuonyam ɔba no mu.

Enam gyidie so maa mede me yere ne m'abusuafoɔ kɔɔ Abibirem se yerekɔye adwuma ama Kristo. Menyanee anadwo bi a na honhommɔne bi te me so. Mede me kotodwe kaa ne deɛ hwɛe se eye kann anaa no, ɔde ahɔɔden sum me na ɔyeɛ ntem soɔ me kɔn sɛdeɛ mentumi nhome. Meyɛɛ ntem team se "Yesu, boa me!" Preko pe ɔdwanee na mfee 28 nie saa asem yi bi nsii bio. Tumi keseɛ bi wɔ Yesu Kristo din mu a ebunkam Satan ne honhommɔne nyinaa so. Fre Yesu na ɔmma wo nkwageɛ na ɔntwitwa nnye wo. (Romafoɔ 10:13)

Awuraa bi ka kyereɛ me ne me yere se bere a na ɔkɔ sukuu no aberantee bi ne no tuu mpasa ketekye kwan so. Wɔduruu baabi no aberantee

no pɛɛ sɛ ɔku no na ɛyɛ sɛ ketekye na aku no. Ɔteaa aberantɛɛ yi wɔ Yesu Kristo din mu no wantumi anyɛ no hwee. Wɔ Yesu tumi mu aberantɛɛ yi dii n'ananim bɛduruu sukuu mu bio.

Awuraa foforo bi nso ka kyereɛ me ne me yere sɛ ne mmabaa bere mu, wannwene yie na ɔbuee ne dan kyereɛ ntafowayifoɔ bi. Eyɛɛ saa no honhommɔne bi fitii aseɛ piapiaa dan no mu nneɛma. Anibereɛ yi mu, ɔpam wɔn firii ne dan no mu wɔ Yesu din mu. Akyire yi, ɔde ne ho maa Yesu Kristo koraa.

Nhunu Satan anaa honhommɔne mmɔbo da. Wɔn botaeɛ ara ne sɛ wɔbenya wo ne wo aye koro na ɛnye Onyankopɔn. Okristoni panin bi a honam mu mmere ne adwene mu haw bi kaa no kaa nsem a Satan ka kyereɛ no kyereɛ me. Ɔsusuu sɛ anka “ɔbetie no ahwe.” Mekyereɛ no sɛ Satan ye ɔdaadaafoɔ na wontumi mfa wo ho nto ne nsem a ɔka so. Mede Yesu Kristo din kaa Satan anim. Ɔbarima yi kaa sɛ “Eyɛ me anigye sɛ wobaa anadwo yi.” Onyaa asomdwoeɛ nnawɔtwe num a ɛdi soɔ no ansa na ɔrewu.

—Watson Goodman

Kristo ne Obɔadeɛ Nyankopɔn

Kolosefoɔ 1:16

Ɛfiri sɛ ne mu na wɔbɔɔ nnoɔma nyinaa, deɛ ɛwɔ soro ne deɛ ɛwɔ asase soɔ, deɛ wɔhunu ne deɛ wɔnhunu, nhennwa oo, wuradie oo, mpaninnie oo, tumidie oo, nnoɔma no nyinaa, wɔnam ne so na ɛbɔɛɛ, na wɔbɔ maa no.

Kristo me hann ne asomdwoɛɛ

2 Tesalonikafoɔ 3:16a

Na ɔno asomdwoɛɛ Awurade no ara mma mo asomdwoɛɛ daa, ade nyinaa mu.

Sɛ ɛbɛhyɛrɛn ama wɔn a wɔtete sum mu ne owuo sunsum aseɛ, na wagye yɛn taataa akɔ asomdwoɛɛ kwan so. —Luka 1:79

Honhommone ne Satan See Adeɛ

Yohane 10:10a

Owifoɔ mma, gye sɛ ɔrebewia na wakum na wasɛɛ.

Adiyisɛm 12:12b

Asase ne ɛpo nnue, ɛfiri sɛ ɔbon-sam asiane aba mo nkɛn, na wafa abufu kɛsɛ, ɛfiri sɛ ɔnim sɛ ne berɛ a ɔwɔ ye tia.

Satan ma esum, Ateeteeɛ

Mmebusɛm 4:19

Abɔnefoɔ kwan te sɛ esum kabii, wɔnnim deɛ wɔhunɔta.

Luka 16:22b, 23a

Na ɔdefoɔ no nso wui, na wɔsieɛ no. Na ɔmaa n'ani soɔ wɔ asama-ndo no, na ɔwɔ aninyanneɛ mu.

Kristo ne Nokore no**Yohane 1:14 ne 8:31b, 32**

Na Asem no beyee honam, na obetena yen mu, na yehunuu n'animuonyam se agya no ba a owoo no korɔ animuonyam, na adom ne nokore aye no ma... Se motena m'asem mu a, moye m'asuafoɔ ampa; na mobehunu nokore no, na nokore no aye mo adehyee.

Ɔdo Ahye Kristo Ma**1 Yohane 3:16**

Yei mu na yeahunu ɔdo no, se onno de ne kra too ho maa yen. Na ese yen nso se yede yen kra to ho ma anuanom.

Satan Ne Nkontompo Agya**Yohane 8:44**

Mo dee, mo agya a mofiri ne mu ne obonsam, na mo agya no akɔnnodee na mope se moyɔ. Ono na oye owudifoɔ firi mfitiasee, na onnyina nokore so; efiri se nokore nni ne mu. Se oka atorsem a, efiri onno ara ne mu na oka; efiri se oye ɔtorofoɔ ne atoro agya.

Satan Kanyane Ɔtan**Yohane 15:18**

Se wiase tane mo a, monhunu se watane me kane ansa na cretane mo.

Galatifoɔ 5:19a, 20

Na honam nnwuma no da adi pefee, ... ɔtane, ... abofuo.

Kristo Hohoro Okra no Ho

1 Yohane 1:7

Na se yenam hann mu se ono wo hann mu no a, na yewowo ayonko-fa wo yen mu, na ne ba Yesu mo-gya te yen ho firi bone nyinaa mu.

Kristo Ma Daa Nkwa

Yohane 17:3

Na yei ne daa nkwa, se wobehu wo, nokore Nyankopon koro no, ne dee wosomaa no no, Yesu Kristo no.

Satan Gu Okra No Ho Fi

Galatifo 6:7, 8a

Monnaadaa mo ho, Onyanko-pon, wonsi no atwetwee; efiri se dee onipa guo no, eno ara na

obetwa. Dee ugu ma ne honam no, firi honam mu betwa poroe.

Satan To Nnipa Brade MaWoye Bone

1 Yohane 3:8a

Dee oye bone no firi obonsam, efiri se obonsam na ofiri mfitiasee yee bone. Yei nti na Nyankopon ba no beyii ne ho adi se obese obon-sam nnwuma.

Satan De Yen Ko Owuo mu

Mateo 13:38b-40a

...wura no ne obonefo no mma; otamfo a uguie no ne obon-sam; ...Enti sedee woboaboa wura no ano na wode ogya hyee no.

Seesei One Wiase yi so ohene ba**Yohane 14:30**

Me ne mo renkasa pii bio; na wi yi ase sodifoɔ no reba, na ɔrennya me ho hwee.

Satan ne Ohene ba. Nneema**Nko Yie a, Bo No Soboo****Yakobo 3:15, 16**

Saa nyansa yi mfiri soro, na mmom eye fam ne okra ne ahonhommone dee. Na dee nitan ne mansotwe wo no, eho na sakasaka ne nneyoee bone nyinaa wo.

Satan nya kwan a, ɔsee ɔpe a yewo se yede sore Kristo no. Ontumi nsee w'akoma mu do a wowo ma Kristo no.

Kura gyidie no mu!**Di nokore ma Kristo ko owuo mu****Asomafoɔ 7:59, 60**

Na woresi Stefano aboo no, ɔfɔre se: Awurade Yesu, gye me honhom! Na okotoo ne nan anim de nne keseɛ teaam se: Awurade, mfa bone yi nto won so! Na okaa yei no, ɔdae.

Kristo Wiase Aban**Yesaia 9:7a**

Na n'ahennie mu betre, na asomdwoee a enni awiee aba, Dawid ahennwa so ne n'ahennie so, na ɔde atemmuo ne tenenee awowa no atim no firi seseɛ de akosi daa.

Satan ma onipa bonefoo Tumi

2 Tesalonikafoo 2:1, 3, 4, 8-9

Nso yesre mo, anuanom, yen Awurade Yesu Kristo ba ne yen ano a wobeeboa aba ne nkyen no ho: ... Mommma obiara nnaadaa mo biribiara fam, efiri se eremma, gye se owae a wobewae no aba ansa, na woyi onipa a a onni mmara no adi, ossee ba no a osoree na oma ne ho so tia dee wofre no Onyankopon anaa wosom nyinaa, ma ono ara kotena Nyankopon asoredan mu de ne ho kyere se one Onyankopon. ... Na eno ansa na wobeyi dee onni mmara biara no adie, dee Awurade de n'anomu home beku

no na ode ne ba no pue beyi no ho koraa no. Ono nso na ne ba no, obo no Satan adwumayo soo, atorotumi ne nsenkyerennee ne ahodwridee nyinaa mu.

Adiyisem 13:2b ne 7b

... Na otweasee no de ne tumi ne n'ahennwa ne n'ahoden kesee maa no. ... Na womaa no mmusuakuo ne nkurofoo ne kasa hodo ne aman nyinaa so tumi.

Adiyisem 13:4

Na wokotoo otweasee no se ode ahoden ama aboa no, na wokotoo aboa no kaa se: Hwan na ote se aboa no? Na hwan na obetumi ne no ako?

Daniel 7:25, 26

Na obekaka nsem atia dee owo osorosoro no, na obaha osorosoro ni no akronkronfo, na obeb o ne tirim se obedane mmere ne mmara, na wode won behye ne nsa, eber e bi ne mmere ne bere fa. Na wobetena ase abu aten, na woagye ne nsam tumi ase no ama no ayera akosi ase.

Adiyisem 13:5b-9

... na womaa no kwan abosome aduanan mmienu. Na obuee n'ano kaa abususem tiaa Onyankopon, se obeka ne din ne ne ntomadan ne

won a wotete soro ho abususem. Na womaa no kwan se ontu ahotefo so sa na onni won so nkonim. Na womaa no mmusuakuo ne nkurofo ne kasa hodo ne aman nyinaa so tumi. Na won a wote asase so nyinaa bekoto no, won a wamfiri wiase asehye antwere won din adwammaa a wokum no no nkwa nwoma mu no. Se obi wo aso a, ma no ntie.

1 Timoteo 6:12

Ko gyidie ko pa no, so daa nkwa a woboo din free wo na wopae mu kaa no yie adansefo pii anim no mu.

Wiase Anyamesom Panin Boa
Kristo Tamfoɔ Ma No Daadaa
Wiase.

Sore Anaa Wu!

Adiyisem 13:14, 15 ne 19:20

Na nsenkyerennee a wode maa no se onyo no aboa no anim nti, o daadaa won a wotete asase soo no ka kyeree asase sotefoo no se wonyo, ohoni mma aboa a nkrante apira no na ote ase bio no. Na womaa no kwan se o mma aboa no honi no honhom, na aboa no honi no mpo akasa, na wama wookum dodoo a wonkoto aboa no honi no. ... Na wokyeree aboa no ne odi-

yifoo torofoo no nso a oye n'anim nsenkyerennee de daadaa won a wogyee aboa no agyirae ne won a wokotoo ne honi no kaa ne ho. Wotoo won baanu yi animono guu egya tadee a sofe dere mu no mu.

Nyame Nnipa Po Anyame

Foforo

Daniel 3:17, 18

Hwe, yen Nankopon a yesom no no betumi ayi yen afiri ogya a erefranam fononoo no mu, na obegye yen afiri wo, ohene, nsam. Na se amma saa mpo a, ohene, hunu se yerensom w'anyame, na yerensore sika honi a wode asi ho no.

KRISTO TAMFOO: FA WO HO MA ANAA KYENE KOM

35

Adiyisem 13:16-18

Na ɔma nketewa ne akeseɛ, adefoo ne ahiafoo, adehyee ne nkoa nyinaa pene ma wɔhye wɔn agyiraeɛ, wɔn nsa nifa anaa wɔn moma so, nanso obi ntumi nto anaase ɔntɔn gye deɛ ɔwɔ agyiraeɛ no anaa aboa no din anaa ne din nkonta ntwerɛɛ nko. Eha na nyansa wɔ. Deɛ ɔwɔ adwene mmu aboa no akonta nto ano, na eye onipa akonta ntoano, na n'akonta ntoano ye ahansia aduosia nsia.

Da Pa Reba Ama Deɛ Wɔagyɛ
No Nkwa

Adiyisem 7:14b-17

Na ɔka kyereɛ me sɛ: Yeinom ne

wɔn a wɔfiri ahohia keseɛ no mu, na wɔahoro wɔn ntadeɛ ama no ahoo wɔ adwammaa no mogya no mu. Yei nti na wɔwɔ Nyankopɔn ahennwa anim, na wɔsom no awia ne anadwo n'asɔredan mu, na deɛ ɔte ahennwa no soɔ no bekata wɔn so. Ekɔm renne wɔn bio, nso sukɔm renne wɔn bio, nanso owia anaa ahohuro biara rento wɔn. Na adwammaa a ɔwɔ ahennwa no mfimfini no beyene wɔn, na ɔde wɔn ako nkwa asutire ho, na Onyankopɔn bepepa nisuo nyinaa afiri wɔn aniwa mu.

Eye sɛ wode Okɔm Bekɔ Osoro Sen
Sɛ Wode Omeeɛ Bekɔ Asaman!

**36 WƆADOME NNIPA NYINAA A WƆSƆRE
KRISTO TAMFOƆ ANAA WƆGYE NE NSOHYEDEE
HONAM MU DE TƆ ANAA DE TƆN ADEE**

Adiyisem 14:9-13

Na ɔbɔfoɔ foforo a ɔtɔ so mmi-
ensa dii wɔn akyi de nne kɛsee
teaam sɛ: Sɛ obi koto aboa no ne
ne honi no, na ɔgye agyiraeɛ de si
ne moma anaa ne nsa so a,

Ɔno ara na ɔbenom Nyankopɔn
abufuo nsa a wɔahwie no gyene-
gyene agu n'abufuo kuruwa mu
no bie, na wɔaye no ayayadeɛ,
ogya ne sɔfe mu, abɔfoɔ kronkron
ne adwammaa no anim.

Na wɔn ayayadeɛ wisie beforo

soro daa daa, na wɔn a wɔbɛkoto
aboa no ne ne honi, ne obiara a
ɔbɛgye ne din agyiraeɛ no, rennya
ɔhome awia ne anadwo.

Ɛha na ahotefoɔ boasetɔ wɔ,
wɔn a wɔkura Nyankopɔn ahye-
deɛ ne Yesu gyidie mu no.

Na metee nne bi firii soro a ekaa
sɛ: Twere sɛ: Nhyira ne awufoɔ a
wɔwu Awurade mu firi seesei
rekorɔ yi. Honhom no sɛ: Aane,
wɔbɛhome afiri wɔn bre no mu; na
wɔn nnwuma di wɔn akyi.

SATAN NSOHYEDEE NE HONI SO NKONIM 37 ANSA NA ONYANKOPON ABUFUO ABA ASASE SO

Adiyisem 15:1b-3 ne 16:1

Abɔfoɔ baason a wɔkurakura ɔhawmmusuo nson a etwa toɔ no a emu na wɔwie Nyankopon abufuo no. Na mehunu biribi a ete se ahwehwe po a egya fra mu. Na won a wɔdii aboa no ne ne honi ne ne din akontahyedeɛ ho nkonim no gyinagyina ahwehwe po no ano kurakura Nyankopon asankuo. Na wɔto Nyankopon akɔa Mose dwom ne adwammaa no dwom se: Awurade Nyankopon, ade nyinaa so tumfoɔ, wo nnwuma ye akeseɛ na eye nwanwa. Amanaman hene, w'akwan tene na eye nokore. . . Na metee nne keseɛ bi a efiri asɔ-

redan no mu reka kyere abɔfoɔ baason no se: Monko nkɔhwie Nyankopon abufuo nkuruwa no ngu asase so. (Adiyisem 16-18: Ohaw nson ne dee efiri mu baee.)

Mogyadansefoɔ a wɔtwaa won tiri no di hene

Adiyisem 20:4b

Na mehunu won a Yesu adanseɛ ne Nyankopon asem nti wɔtwitwaa won tire no akra ne won a wɔankoto aboa no anaa ne honi na wɔannye agyiraeɛ no wɔ won moma ne won nsa soɔ no. Na wonyaa nkwa bio, na wone Kristo dii ahene mfirmhyia apem.

Obonsam Boaboa Aman Ano Ko

Adiyisem 16:14 ne 16

Na woye ahonhommone ahonhom a woye nsenkyerennee, na wofiri ko wiase nyinaa ahemfo nkyen koboaboa won ano ma Onyankopon, ade nyinaa so tumfo no, da kесе no mu ko no... Na oboaboa won ano ko baabi a wofre ho Hebri kasa mu se Harmagedon.

Kristo Gye N'Asase Ne Ne Nnipa A Wayi won, Israel

Sakaria 12:2a, 3; 14:3 ne 12

Hwe, mede Yerusalem beye ntintantoko kuruwa ama aman a wotwa ho ahyia nyinaa... Na

da no, mede Yerusalem beye tokwaboba ama aman nyinaa. Won a wobema so nyinaa bepirapira, na wobeboda asase so amanaman nyinaa ano atia no... Na Awurade befiri adi ne amanaman no abeko, se ne ko da no... Na yei beye ohaw a Awurade de beha amanaman a wotwa Yerusalem so sa no nyinaa: woda so gyinagyina won anan so no, won honam beporoporo, na won ani aporoporo won anikankyi mu, na won tekyerema aporoporo won anomu.

Se Onyankopon wo yen afa a, hwan na one yen bedi asie?

—Romafo 8:31b

Romafoo 1:18

Na woyi Nyankopon abufuo adi firi soro gu nnipa a wode adee a entene si nokore kwan no mmu-subo ne adee a entene nyinaa so.

Adiyisem 19:15, 16

Na afena nnamnam bi firi n'ano-mu a ode bebobo amanaman, na ode dadee poma beyene won. Na ono na otiatia Onyankopon, ade nyinaa so tumfooo no, abufuo a eye den no nsa-kyi-amena no sooo. Na owo din bi a wootwere n'atadee ne n'asene mu se: Ahene mu hene ne awuranom mu awurade.

Kristo Tamfooo di hene mfee bi.
Kristo di hene ha mfee 1000, na

odi hene afeboo

Adiyisem 20:6b

... na mmom wobeyee Nyankopon ne Kristo asofooo, na wone no bedi ahene mfirmhyia apem.

Daniel 2:44a

Na ahemfo no nna no mu no oso-ro Nyankopon bema ahennie a worensee no da, na worennya n'ahennie mma oman foforo bi so.

Ese se Aman Nyinaa Sore
Kristo Awurade No!

Nnwom 86:9

Amanaman a woysee nyinaa beba abekoto w'anim, Awurade, na wabehye wo din animuonyam.

40 SATAN DI NKOUGO ONYANKOPON ANIM

Adiyisem 12:7-10

Na oko baa osoro. Mikael ne n'abofoo tuu otweasee no so sa ne no koe. Na otweasee no ne n'abofoo koe. Na wantumi won, nso wannya kwan osoro bio. Na wotuu otweasee kesee no, owodaada no a wofre no obonsam ne Satan, dee odaadaa amanaman nyinaa no, firii ho too no twenee asase so, na wotoo n'abofoo kaa ne ho gui. Na metee nne kesee osoro se: Afei nkwayee ne tumi ne ahennie aye yen Nyankopon dea, na ahoden aye Kristo no dea, efiri se wato yen nuanom anototofo no atwene; ono na ototo won ano

yen Nyankopon anim awia ne anadwo.

Oko yi mu Nkonim Akodee

Adiyisem 12:11

Na won na wonam adwammaa no mogya ne won adanse ase no so adi ne so nkonim, na wannoo won kra de akosi owuo mu.

Satan Nkrabea A Enni Awiee

Adiyisem 20:9b ne 10

Na egya firi soro guu fam behyee won. Na obonsam a odaadaa won no, wotoo no twenee ogya ne sofe tadee no mu, dee aboa no ne odiyifoo torofoo no wo, na wobeye won ayayadee awia ne anadwo daa daa.

Anka Obonsam betumi aye setie wọ ọsoro ahotọ no mu daa, nanso ọpẹ sẹ ọdi Nyankopon Ahennie no so.

(Kenkan Yesaia 14:13 wọ krataafa 3.)

Awurade Kristo Di Hene Daa

1 Beresosem 29:11

Wo Awurade na kẹseye ne mmaininge ne animuonyam ne nimdie ne aseda wọ wọ, na dee ewọ ọsoro ne asase soọ nyinaa wọ wo. Wo, Awurade, na ahennie wọ wọ, na wo na woama wo ho so di adee nyinaa soọ.

1 Korintofoọ 15:22-26

Na sẹdee wọn nyinaa wu Adam mu no, sẹ nso wọn nyinaa benya

nkwa Kristo mu ne no. Na obiara wọ ne dibere; Kristo ne aduaba a edi kan, ansa na wọn a wọye Kristo dea ne ba mu no di ho, ansa na awiee no di ho, eberẹ a ọde ahennie no behye agya Nyankopon nsa, na watu ahennie ne ahoden ne tumi nyinaa aguo no. Na etwa sẹ ọdi hene kọsi sẹ ọde atamfo no nyinaa begu ne nan ase. Otamfo a ọdi akyire a ọbetu no aguo no ne owuo.

Adiyisem 11:15

Na ọbọfoọ a ọto so nson no hyenee. Na enne akese gyegye-gyegye soro sẹ: Wiase ahennie aye yen Awurade ne ne Kristo no dea, na ọbedi hene daa daa.

42 SATAN NE AHONHOMMONE YE W'ATAMFOO

Satan see honam, okra-nini, a
ofa okra-nini, Nsukonoma a
wonwoo won wudifoo, Honho-
mmone Adeɛ'

...mmarima gyaa wone obaa honam fam ayonkofa yebea a eye ne kwan soɔ no maa won [mfefoo mmarima]... na wode nyaa akatua a ese won nnaadaa won ara mu. —Romafoɔ 1:27

Adeɛ nsia yi na Awurade tane, ...ne nsa a ehwie mogya a edi bem guo. —Mmebusɛm 6:16, 17

Mateo 12:45a

Enna oko na okofa ahonhom nson foforo a woye bone sene no ka ne ho, na wobehyene mu tena

ho; na onipa no akyire yi asetena ye bone sene kane dee no.

Hwehwe Onyankopon Teasefoɔ no nko ara. Mfre nyame foforo nhunu daakye mu asem, nhwe obi adwene mu, nhwehwe honam mu ayaresa anaa honhom mu akwankyere.

Satan, osodenfoɔ no, gyina yeinom nyinaa akyi, oham nnipa so, nwoma so, nneema so ne anyamesem mu mfomsoɔ so na oye adwuma.

Mfa wo ho mma honhom biara a enye Nyankopon Honhom Kronkron no. Gye Twere Kronkron no ne Awurade Yesu Kristo nko ara di. (Hwe Adiyisem 19:13.)

DODOO NO ARA NA WOREBA NA WADADAADA DODOO NO ARA

43

Nkyerekyerε biara a εtwe yen firi
ɔkwan hihiaa no a εma fafiri na
enam Kristo nipadua ne ne mogya
so na εhohoro yen ho na εgye yen
nkwa no di atorɔ na εdaadaa yen

Mateo 24:4, 5 ne 11

Na Yesu bua see wɔn sε:
Monhwε na obi annaadaa mo. Na
nnipa bebree de me din bεba
abεka sε: Mene Kristo no; na
wɔabεdaadaa nnipa pii. Na
adiyifoɔ atorofoɔ bebree bεsɔre,
na wɔabεdaadaa nnipa bebree.

Na nnipa bebree wɔ hɔ a manya
mo wɔn ho asεm nkaε, na afei nso
mede nisuo mereka bio sε: wɔye

Kristo asennua no atamfo; wɔn na
wɔn awieεε ne ɔsεεε, wɔn nyame
ne yafunu . . . —Filip. 3:18, 19a

Fa firi na wɔde befiri wo

Na sε mode nnipa mfomsoɔ firi
wɔn a, mo soro agya de mo deε
befiri mo nso. —Mateo 6:14

Kristo aboɔden mogya no gye
yen nkwa

1 Petro 1:18a, 19 ne 21a

Sε monim sε wɔamfa nnoɔma a
εporɔ, dwetε anaa sika annye
mo, . . . na mmom wɔde Kristo a
ɔte sε adwammaa a ɔnni dem ne
nkekaε no mogya a ne boɔ ye den
no na εgyee mo. . . a monam ne
so gye Onyankopɔn.

Bone Kwan So Na WonamBu Man

Yesaia 64:6

Na yen nyinaa aye se dee ne ho ntee, na yen adetenenee nyinaa te se ntomago afiafi, na yen nyinaa kusa se nhahan, na yen amumuyo soa yen ko se mframa.

Abufuo wo Honhom Soodenfoo So

Efesofoo 2:2, 3

Na akane no monantee sedee wi yi ase abraboo tee ne sedee ewiem tumi no panin tee, honhom a nnan-sa yi eyo adwuma asooden mma mu no. Won mu na anka yen nyinaa nso nam booo yen bra yen honam akonno mu, na yeyoo dee

honam ne adwene pe, na sedee yen awosuo tee no yeye abufuo mma te se won a aka no nso.

Satan di dee onni nkwayee So

2 Korintofoo 4:3, 4

Na se yen asempa so akata a, eso akata won a woreyera no mu; won mu na wi yi ase nyame afira won a wonnye nnie no adwene ani, na Kristo a oye Nyankopon suban no animuonyam asempa no hann anhyeren amma won.

Kristo Ne Nkonim No

Romafooo 8:1

Ennee afei afobuo biara nni ho mma won a wowo Kristo Yesu mu.

Mateo 13:38

Afuo no ne wiase; aba pa no ne ahennie no mma; wura no ne obonefoɔ no mma.

Yohane 8:44a

Mo dee, mo agya a mofiri ne mu ne obonsam, na mo agya no akɔnnɔdee na mope se moyɔ.

Wo Adam mu, Yesɔre Tia
Nyankopɔn

Dee ɔnka me ho no, na ɔtia me; na dee ɔne me mmoaboa ano no, na ohwete mu. —Mateo 12:30

Yei Nti Na Eɛe se Wɔwo Yen Foforo Wo Kristo Honhom Mu No

Enti se obi wo Kristo mu a, na ɔye abɔdee foforo; nnoɔma dada

no atwam; hwe, nnoɔma nyinaa aye foforo. —2 Korintofoɔ 5:17

Yohane 10:27, 28a

Me nnwan tie me nne, na me nso meni won, na wɔdi m'akyi; na mema won daa nkwa, na worenyera.

Fa Wo Ho Ma Awurade Yesu
Seesei Ara

2 Korintofoɔ 6:2b

... hwe, enne ne adom bere; hwe, enne ne nkwagyee da.

1 Yohane 1:9

Se yeka yen bone kyere a, ɔye nokwafoɔ ne teneneeni se ɔde yen bone befiri yen, na wate yen ho afiri dee entene nyinaa ho.

Romafoɔ 8:35 ne 37

Hwan na ɔbetete yene Kristo da mu? Ahohia anaa ahometee anaa ɔtaa anaa ekom anaa adagya anaa amanenya anaa nkrante? . . . Nanso yeinom nyinaa mu na yenam dee ɔɔɔ yen no so di nkonim boro soɔ.

1 Yohane 5:4

Efiri se biribiara a Onyankopɔn woeɛ no di wiase so nkonim, na nkonim a adi wiase soɔ ne yen gyidie.

Ma Wɔn A Wɔdi Nkonim
no Akatua

Adiyisem 2:17

Dee ɔwɔ aso no ntie dee Honhom no reka kyere asafo no:

Dee ɔdi nkonim no, mema no mana a ahunta no bi adi, na mema no ɔbo fitaa, na ɔboɔ no so na wɔatwere din foforo a obiara nnim, se dee ɔnya no.

Adiyisem 2:26

Na dee ɔdi nkonim ne dee ɔkura me nnwuma mu kɔsi aseɛ no, mema no amanaman so tumi.

Wo Ho Hia Yie Ma Onyankopɔn
Kalvari Da Yei Adi: Onyankopɔn
Ho Hia Yie Ma Wo!

Enye se yen ara yefata se yebesusu ahunu biribi sedee efiri yen ara yen mu, na mmom yen fata a yefata no firi Nyankopɔn mu. —2 Korintofoɔ 3:5

Wo Ne Kristo Mmra Animuonyam mu

Kolosefoɔ 3:1, 2 ne 4-6

Enti se moanya ne Kristo anyane a, monhwehwe dee ewo soro, dee Kristo tee ho wo Nyankopɔn nifa. Monnwene dee ewo soro, na enye dee ewo asase soɔ. Na da a Kristo a one yen nkwa beyi ne ho adie no, eno na wobeyi mo nso ne no adie animuonyam mu. Enti monkum mo akwaa a ewo asase soɔ no, adwammamɔ, afideeyɔ, akɔnnɔ nhyesoɔ, akɔnnɔ bɔne ne aniberee a eye abosonsom. Yeinom na ede Nyankopɔn abufuo ba.

Anaa Wɔnnome Wo Ne Satan Daa

Mateo 25:41

Enna obeka akyere won a wowo benkum no nso se: Mo a woadome mo, momfiri me so nko daa ogya a wɔasiesie ama obonsam ne n'abɔfoɔ no mu!

Nnwom 9:17

Abɔnefoɔ besane ako asamando, amanaman a won were afiri Onyankopɔn nyinaa.

Marko 9:43

Na se wo nsa to wo suntidua a, twa! Eye ma wo se wode basini beko nkwa mu, sene se wowo nsa mmieniu na wode beko amanehunu kurom, ogya a erenum da no mu.

Bre Wo Ho Ase

Mateo 18:2-4

Na Yesu frɛe abɔfraa bi de no begyinaa wɔn mfimfini, na ɔkaa sɛ: Nokore mese mo sɛ, moannane na moanyɛ sɛ mmɔfraa a, morentumi nhyene osoro ahennie no mu. Enti obiara a ɔbebre ne ho ase sɛ abɔfraa yi no, ɔno ara ne ɔkeseɛ koraa osoro ahennie no mu.

Nya Ahonu Wɔ Wo Bɔne Ho

Marko 1:4 ne 14, 15

Yohane ba bebɔɔ asu esere so, na ɔkaa adwensakyera asubɔ a ede kɔ bɔne fafirie mu. Na wɔyɛii

Yohane maeɛ akyiri no, Yesu baa Galilea bekaa Nyankopɔn ho asempa kyeree. Na ɔkaa sɛ: Eberɛ no awie du, Nyankopɔn ahennie no abɛn. Monsakyera mo adwene, na monnye asempa no nni.

Luka 13:3

Mese mo sɛ: Ente sa, na mmom sɛ moansakyera mo adwene a, mo nyinaa beyera saa ara.

Asomafoɔ 3:19

Enti monsakyera mo adwene, na monnane mo ho, na wɔapepa mo bɔne.

(Toa so wɔ krataafa a Edi soɔ no.)

GYE KRISTO SƐ W'AGYENKWA NNƐ

Fa Wo Ho Ma Yesu Kristo

Fa wo kwan hyɛ Awurade nsam, na fa wo ho to ne so, na ɔno na obɛyo. -Nnwom 37:5

Na sɛdeɛ Onyankopɔn dɔɔ wiase nie, sɛ ɔde ne ba a ɔwoo no korɔ no maeɛ, na obiara a ɔgye no die no anyera, na wanya daa nkwa. -Yohane 3:16

Na wɔse: Gye Awurade Yesu di, na wɔbɛgye wo ne wo fiefoɔ nkwa. -Asomafoɔ 16:31

Onyankopɔn Ma Tumi Sɛ

Yɛnyɛ Ne Mma

Na dodoɔ a wɔgyee no no,

wɔn a wɔgye ne din die no, ɔmaa wɔn tumi sɛ wɔnyɛ Nyan-kopɔn mma. -Yohane 1:12

Pae mu Gye Kristo to mu

Na sɛ wode w'ano pae mu ka sɛ Yesu ne Awurade, na wode w'akoma gye di sɛ Onyankopɔn anyane no afiri awufoɔ mu a, wɔbɛgye wo nkwa. Na akoma na wade gye di kɔ teneneɛ mu, na ano na wɔde pae mu ka kɔ nkwagyee mu. Na atwerɛ no se: Obiara a ɔgye no die no ani re nwu. -Romafoɔ 10:9-11

Scripture text is from the Bible in Twi by United Bible Societies Africa Regional Centre, Nairobi, Kenya. Used by permission.

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org

4-23



Read booklets online or by App
www.wmp-readonline.org

1410 Twi VJC